

Les iscriziuns ala scolina por l'ann 2023/24 podará, sciöche bele ti agn passá, ma plü gní fates online. Le genitur che fej l'iscriziun adora porchêl le SPID (Sistem publich d'identità digitala). An pó fá l'iscriziun dai 09 ai 17 de jená 2023 tres le portal online dla provinzia autonoma da Balsan "IOLE" y al pó gní scrit ite mituns/ans nasciüs/des danter le 01.09.2017 y le 31.12.2020. L'iscriziun pó ma gní fata te öna na scolina dl comun de residënza. Geniturs che ó scrí ite so/ súa möt/a te n'atra scolina co chëra de so comun de residënza, mëss, do avêi fat l'iscriziun te na scolina de so comun de residënza, presenté tla Direziun dles scolines na domanda de trasferimënt sön n formular prestampé. Deplü informaziuns y ajornamënc gnará metüs plü inant sön la plata web dles scolines <http://www.provinzia.bz.it/formaziun-lingac/scolina/default.asp> o é da ciafé pro vigni scolina o pro la Direziun dles scolines por telefon 0471 797 117.

La Comisciun por les families dl Comun da San Martin organisëia na sëra de informaziun sura le „Katholischer Familienverband Südtirol“ en lönesc, ai 9 de jená, dales 20.00 tl Istitut Ladin. Al gnará porté dant les ativités y ciaré sc'al é meso da mëte sô na sënta te nosc comun. Düc é dër bel inviál!

Le Comun cun le Consëi de formaziun organisëia n referat: „5 consëis por arjigné ca na pausa sana a nüsc mituns“ cun Ivonne Daurú en mercui, ai 11 de jená, dales 20.00, tl Istitut Ladin. Al gnará porté dant deplü rezetes y ince baié de intoleranzes y alternatives por le zücher.

Aldiënza dla defensuria popolare en vëndres, ai 13 de jená, dales 14.00 ales 17.00, tl salf di stödafüch a San Martin ma sön prenotaziun [0471 946 020](tel:0471946020).

COMUN: I sac dal ciomënt vëgn indô partis fora de jená 2023 por dôt l'ann dai 09 ai 28 tratan l'orar de daurida di ofizi al publich; por organisé damí le sorvisc vëgnel perié da aposté denant i sac por telefon 0474 524377.

PLOANIES SAN MARTIN Y LUNGIARÜ

Invit a düc i geniturs che á n viadú da batié, përs che aspeta, toc y totes de nosc Decanat, ala preparaziun dl bato en sabeda ai 14 de jená dales 15.00 ales 17.00, tl salf di stödafüch a San Martin. Prenotaziuns 328 07 17 796.

Les Uniuns di Seniors da S.Martin/Antermëia y Lungiarü rengraziëia dla gran generosité: Al é rové adöm bëgn **108 poc** de patüc por la jënt dla **Ucraina**. La Uniun di Ucrains "Soniasnyck" da Balsan ves dij a düc de cör n gran dylan y ldí ves al paies por ci ch'i ëis fat y fajëis inant por ëi.

LUNGIARÜ

La domënia, ai 05 de forá, vëgnel festejé le "De dla Vita". La Uniun dles Ères arjignará n placat cun i retrac di/dles mituns/ans nasciüs/des y/o batia/batiades ia por l'ann 2022. I periun i geniturs da ti fá avêi a öna dles surastantes n retrat de so möt/súa möta cina ai 20 de jená o por email a anita.verginer@live.it

Curs de yoga cun Sara Moling tla palestra da Lungiarü dagnora de mertesc ti mëisc de jená, forá y merz. Por informaziuns y prenotaziuns 348 56 45 102

La Uniun di/dles Seniors/es da Lungiarü á l'intenziun da organisé por les porsones sura 60 agn ia por l'ann 2023 n curs da adoré le computer, le tablet y le handy. Chi che é interessá dess telefoné o mené n SMS a Clemente 342 13 76 430 cina ai 15.01.2023."



unitepastorala.org

Plata dles Ploanies San Martin y Lungiarü



ploan siur Klaus Sottsas 344 15 54 055 - klstottsas@rolmail.net
curat siur Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194

08.01 - 15.01.23 n. 07

ultimo termo por comunicaziuns: jöbia, dales 20.00

BATO DE GEJÚ - A

Vangele do Lúca 3,13-17

Te chël tëm

é Gejú gnü dala Galilea pormez al Iórdann, da Jan, a se lascè batié da d'ël. Mo Jan se pará y ti à dit: Iö messess gnü batié da tè, y tö vëgnes da mè? Gejú ti à respognü: Lascia ch'al sozedes, deach'al alda ch'i ademplyunse insciö deplëgn la iustizia de Dî.

Dailò à Jan zedü.

Gejú ê apëna batié

y gnü fora d'ega,

ch'al s'á dauri le cil,

y al odô le Spirit de Dî sciöche

na colomba gnon jö sön ël.

Y na usc dal cil à dit:

Chësc é mi Fi bunorü,

te chël ch'i à ciafè plajëi.



Incö festejunse le Bato de Gejú; al é l'ultima dles festes da Nadé.

De un n vers é le Bato de Gejú l'intronisaziun de Gejú cun les parores che gnô dîtes dala intronisaziun di resc "Tö es mi fi bunorü, en té á ciafè plajëi".

Y dl ater vers significhëiel che Gejú, jon jö t'lega dl Iordan,

vá jö a parti deplëgn la vita cun la jënt y se bagna cun la realtà umana.

Y canche Gejú vëgn sô dal'ega, se deura le cil.

Le cil daver é n simbol dl dejier dër sterch da vedlamënter incá tla jënt, che Chël Bel Dî se mostres y se lasces odëi y pié ite concretamënter dala jënt.

Al é chël dejier ch'i un dër sot te nosc cör

y ch'i un pö cianté nia dadî d'Advënt cun les parores dl profet Isaia:

Oh Salvatur, ví jö dal cí, / da nos ch'i t'aspetun bel dî,

ví jö, ví jö, ch'i t'adorun, / y deura sô le gran portun.

da Image

EDEMA	SAN MARTIN	LUNGIARÜ	 <i>Spirit de Vita bele tl scomenciamënt te destenöste fora sura la scuritè. Dëida l'umanité de nosc tëmp da capì che, stlujon fora Chël Bel Dî, vára a se perde tl desert dl monn, y che, ma olach'al pó ite la fede, florëscel la dignité y la liberté y sciafia dōta la sozieté da crësce adöm tla iustizia.</i> <i>Spirit de Pasca de Ma, che te fejes fora dla Dlijia un n corp, lâscesse indô sintí a nos batiá na dërta esperiënza de comuniun; fâ ch'i sunse n sëgn ví dla presënza dl Ressorí tl monn, na comunité de sanc che vir tl sorvisc dla ciarité.</i> <i>Spirit Sant, dëidesse da porté inant tüa misciun, fâ ch'i odunse ch'al é ince te nosc tëmp tröpes porsones che chir la verité de süa esistënza y dl monn. Fâ ch'i sunse colauradus de süa ligrëza cun l'incundaziun dl Vangele de Gejú, granel dl formënt de Dî, che mët le terac dla vita a porté früt y assigurëia na racoiüda abundanta.</i> <i>Papa Benedët XVI</i>
08.01.23 Domënia BATO DE GEJÚ	9.00 Corona 9.30 Gran Mëssa por la comunité por families de Alfred Castlunger por benefaturs vis y defunc + Albert Conrater (dl ann)	7.50 Corona 8.15 Gran Mëssa por la Comunité	
09.01.23 Lönesc <i>Iulian, Alex, Adrian</i>			
10.01.23 Dedolönesc <i>Gregöre, Wilhelm, Leonie</i>	19.00 Mëssa + + Nando y Hannele Flöss + Hermann Burkia		
11.01.23 Dedemesaledema <i>Paolin, Tomesc, Jan</i>		7.30 Mëssa + Ida Nagler	
12.01.23 Jöbia <i>Tatiana, Hilda</i>	7.30 Mëssa + + Rosalia y Lorenz Untergassmair + Heidi Perathoner Demetz + Iarone Rubatscher Corona por vocaziuns		
13.01.23 Vëndres <i>Hilare, Romige, Iuta</i>	18.30 Adoraziun chîta 19.00 Adoraziun deboriada	7.30 Mëssa + + de fam. Giovanni y Hannele Chiusura	
14.01.23 Sabeda <i>Felize da Nola, Rainer</i>	19.30 Mëssa prefestia + Erna Frenner, Jënder + Alfred Zingerle (dl ann) + Maickol Bassutti (dl ann)	18.00 Mëssa prefestia dl ann + Pire Clara, Paur + + Giovanni y Agata Campeï + Clara Campeï	
15.01.23 2ª DOMËNIA ia por l'nn A	9.00 Corona 9.30 Gran Mëssa por la comunité renger. a S.Ojöp Fr. - fam. Alfred y Claudia Ploner dl ann + frater Martin Ploner dl ann + Erika Psailer	7.50 Corona 8.15 Gran Mëssa por la Comunité	